



Zama enn top!


✎ Michael Oguttu

✑ Vusi Malindi

♫ Shameem Oozeerally & MIE French Students

🔊 2

💬 kreol morisien mfe



Mo ti frer dormi bien tar. Mo lev boner parski
mo enn top.




Momem ki les soley rantre.




« To mo zetwal gramatin, » mo mama dir mwa.




Mo bengne mo tousel, mo pa bizin okenn led.



Mo kapav debrouye avek dilo fre ek savon ble
ki santi pi.



Mama fer mwa rapel, « Pa blyie ledan! » Mo
reponn, « Zame! Pa mwa ! »




Kouma fini bengne, mo dir granper ek matant
bonzour ek mo swet zot enn bonn zourne.



Lerla, mo met mo linz, « Mo gran aster ma »,
mo dir.



Mo kapav ferm mo bann bouton ek atas mo lase.



Ek mo asir mwa ki mo ti frer konn tou nouvel lekol.



Dan klas mo fer mo mie dan tou fason.



Mo fer tou sa bann bon kiksoz-la toulezour.
Me kiksoz ki mo pli kontan, se zwe, zwe, zwe!



Global Storybooks

globalstorybooks.net

Zama enn top!

✍ Michael Oguttu

& Vusi Malindi

☞ Shameem Oozeerally & MIE French Students

